

兩

浙

輶

軒

錄

兩浙輶軒錄卷四目

郭濬 陳振麟 万象璜 趙昕 陳確

吳源達 褚越 褚標 李麟友 李可願

魏允相 蔣玉章 錢鴻 卞爾翼 張鸞

周容 謝為霖 范洪震 馮愷琦 馮愷愈

周志寧 周西 薛士學 謝熾昌 何國仁

葉雷生 向璿 朱用調 史在朋 俞鼎

盧懋殿 金光 林必登 卓禹 吳川

查詩繼 何元英 湯霽 陳源世 田徹

徐鯤 楊廷棟 吳太沖 高思謙 邵鼎

蔣作楫 虞相堯 汪挺 夏駟 袁祿

沈章 沈文輝 孫一驪 金蒞孫 高道素

吳謙牧 徐仲選 姚世靖 于琳 戈中顏

朱萬綺 沈廣輿 沈調元 鄭興田 沈士穎

張兆林 水寶璐 孫文祖 洪崑 朱禹錫

馬允璜 王雅禮 朱玉貞 施楨 潘汝度

季廷樑 諸葛騏 盧光恢 張俊 楊兆岳

詹堯廣 吳經國 金鏡 范奇英 王錫

樓啓瞻 范兆芝 陳獻球 劉純熙 全大鏞

沈光杰 鄔秦 戴浚 倪會鼎 陳翰邦

林健 黃厥昌 鄭文標 屠國植 趙君宋

吳山濤 胡兆龍 胡昇猷 丁澎 張壇

王著 魏少野 姚延啓 唐慰堯 詹惟聖

施洪烈 丁克揚 周之麟 樓洵攻 趙吉士

畢

兩浙輶軒錄卷四

督學使者阮元訂

郭

字彥深海寧人順治壬辰進士官行人著虹映堂集

香山寺

古寺能藏勝攀林殿始開花光凭檻合山色捲簾來遠水浮

燕樹春雲落葡臺青天挂松瀑彷彿玉龍迴

陳振麟

字雲趾永嘉人光前子順治丁酉舉人官孟津知縣

中秋後三日峯嶺和尚招集江心寺觀濤并爲放魚之

約卽席分韻

方外高名屬道安翩翩錫杖下雲端一時社共淵明結八月
濤同枚叔觀雨色乍開山寺曉風聲遙送海門寒銜鈞魚向
中流去疑有明珠出碧湍

方象璜

字雪賦遂安人順治己亥進士初授荊州府推官改合肥知縣康熙己未舉博學鴻辭

兩浙輶軒錄卷四

郭啓誠撰

一

嚴州府志方象瑛知合肥有惠政甫下車卽宿包孝肅祠矢以詩云誓將電勉清節是禮倘不恤民有如此水其後舉鴻博以

後期不及與試

語石堂

翠山皆培塿茲石踞其頂烟嵐生衣袂俯拾日月景石勢撐鐵雲卓立抑何猛天語下虛空祕密堪獨領况值禪定餘孤磬發深省

趙

昕

字確客號雪喙餘杭人順治辛丑進士官嘉定知縣

頤文彬曰趙昕工詩有集因山水暴發源失無存

擬蘭亭詩

八公吟小山七子鴈南皮眷言同心友期我桃花時乍聞鷓鴣鳴瑤草忽已滋以茲感春風歲歲朱顏移緩帶勸旨酒仰翰徵妙詞白雲有卷舒流水無還期今我不爲樂後來良共

嗤越王遺堅城他人今晏居

山居

獨有雲藏塢
還看澗出花
炊煙起深竹
知是野人家

陳

確

原名道永字非元更
今名字乾初海寧人

靜

志居詩話先生說經鏗

經詩不求工然亦流暢
俞賓華曰陳確篤明未諸生與祝淵同游
劉宗周之門乙酉後靜修山中幾二十年

憶自崇禎丙子春有四遊西溪詩已二十三年矣今年

由雲門歸同吳仲木復尋舊遊慨然而作

秦望歸來興尙賒
幅巾筇杖入山窪
迷離不記前遊路
寂寞還開古寺花
春水橋邊雲萬樹
晚風亭外月千家
可憐潦倒吳公子
頻道西溪勝若耶

東董子

春風亭子雨迷離，旅思紛紛憶舊知。別去好山遊幾處，倦歸蕭寺記何時。期君南閣尊前話，看我西湖隄上詩。莫謂兩人容易見，滿頭白髮已如絲。

吳源遠

字辛幼，又名源帖，字瞻，分嘉興人。源遠弟，著半鄉人詩城西集。

梅李詩繫辛幼性耽吟，味不事生產，竟以窮死。

梅里詩，載半鄉詩，太輕爽，句如來尋春草，臨溪屋，歸與桃花隔岸船，風致可愛。吳歌百首，盡取俗謔為題目。

一新賦體，文亦流麗。

贈江撫宋牧仲先生

刻漏聲從鈴閣聞，畫旗不動日初曛。春衣莫笑山人陋，會到匡廬惹白雲。

舟次半邏寄錢子相

百里秦溪水，孤帆半邏村。竹青捎屋角，沙白露灘痕。山色看

秦駐潮聲聽海門何時還翦燭風雨話黃昏

訪周營谷

水源窮處一橋通茅屋頽然著老翁射鴨灘頭蘆筍碧釣魚
磯下藕花紅新裘詩卷襄陽派短挽衣裳杜老風笑問榆錢
堆狹路可能換酒抵青銅

褚

越字今遺嘉
與人醉弟

春懷

青陽晦白日嘉木生重陰天桃始含華倉庚發其音時物一
以變流邁方自今緬懷曠百世慷慨資以深拂衣步庭除太
息復高吟萬感從中來棲遲安可任晦明固有時窮約懷苦
心

褚

標字霞建
嘉興人

兩浙輞軒錄卷四

吳湖遠初趙褚頌

三

梅里詩輯霞建詩如露下芙蓉極饒風韻管谷稱其年少氣盛抽思奮藻光彩奪目甫逾壯歲鬱鬱患心痛死故叙其詩以負才不展沈吟永歎寓不平之悲為可哀以天折為尤痛而欲斬遺詩以傳之今所輯之本不知沈淪何所管谷有知其為痛更何如也

古別離

盛年不可再別離安可忘思君曾幾日蕙草揚芬芳悠悠即前路北上遵太行山川何阻修君馬元以黃念妾桃李姿荷儻當春陽采采方及時無令棄道傍

李麟友

字振公又字于菀嘉興人著醜齋吟草

梅里詩輯于菀為前明學博自明子自明特難揚州千苑孤忠遺體高隱名流詩篇恣肆激切不落凡近

沈子以匹練見遺賦謝

梅溪李生長衣褐冬亦不加夏不脫已經寒暑六七年襟似不完襟縫豁沈郎好我情不疎贈我匹練五丈條製以為衣

見賓客舉止覺與常時殊鄉人重衣不重德談笑從今壯顏色

李可願

字祗寄又字子驥嘉興梅里詩輯竹坪爲前明學博自明姪苞谿之秀詩筆俊爽如食哀家梨

題剩舫

真有浮家想蓬窗愛枕河伊人在漂渺數武卽煙波席對鷗朋設門通魚婢過竹竿正堪把歸隱意如何

魏允枏

字交讓嘉善人著雜風集

構李詩繫允枏爲前明忠節公大中之孫孝子學淮之子當孝子卒時妻嚴氏年二十七截髮自誓允枏孝義倍至崇禎時承恩廕甲申後不出柳洲詩學之盛均奉枏爲主盟陳增新云體合雅騷兼正變吾邑近來風氣日上實聞其先李焯亦云天鷄始鳴曜靈啟途人倫之弁見風雅之先驅其推重如此

宿華山寒法師禪房

西折前年錄

卷四

李麟友李可願魏允枏

四

偶爾看山色攜筇到上方
雀從珠樹出龍向鉢花藏
夜壑流清磬春雲護石牀
遠公棲隱處日夕坐相忘

吳仲圭墓下

歲淳之末宋事非諸陵毀塌魂無依
玉匣珠襦啟幽寢古人白骨將安歸
椽林處士有遺墓自署沙門植梅樹
虛塚不羨祁連山殘碑尙立青松路
蹂躪曾無樵牧歌斧斤自遠匠石顧
閭歷滄桑三百年慕君高節愛逃禪
已傳繪事冠當代還將易數推先天
胥塘東繞菖蒲浦丙舍荒涼屬誰主
桃李春飛寒食煙梧桐秋落重陽雨
君不見六陵鬼哭蔓草平此地猶存一抔土

蔣玉章

一名琢字象鴻號禹書嘉善人玉立弟

博李詩繫禹書九歲以詩名意致絕不猶人
兄玉立時稱二蔣風流冠絕一時而皆不遇

鹿城道中懷歸元恭葉喟初

西鹿城邊傷客心
新洋江畔搗衣砧
陸機漫擬吳趨曲
莊舄仍爲越下吟
州入戍樓銜暮色
雲生驛樹結秋陰
懷人此際堪乘興
不得追遊到竹林

錢

鴻

字羽可號若菴海鹽人著槐松居集

馮李詩藪若菴爲隍之子築室宋湖好行其德鄉人私謚貞毅

黃湖秋望

黃湖地癖宋邨名
荻月蘆風秋自生
蕭寺僅存方外想
野航恰備葦中情
繡衣墓頂松猶挺
給諫塋前水獨清
可但曾孫懷祖澤
隱淪多尙話先生

卞爾翼

字我將號懷西歸安人順治辛丑歲貢生官桐廬訓導

秋梅

繁葉惟宜夏秋來喜漸無涼颺衝戶起明月到庭孤歸鳥枝
頭坐殘雲空外徂登樓一舒嘯蕭瑟見山瘴

錢公御選安吉簡寄郎麟公

問訊當時舊博徒近來筋力似前無看花城外攜遊屐痛飲
墟頭倒玉壺騎馬入林常自躍攜童濟勝不教扶高年嬰傑
能如此麟閣功名尙可圖

張

馬

字章友一字補堂鄞人賴治丁酉副貢

穎者舊傳先生明末更名潛字又陶志將隱矣已而以
母命出補諸生與周諤山爲如家而才大於諤山二人

坎輅
器等

岡地

岡地高苦晴窪地卑苦雨中地多有秋晴雨在州府里胥絡
繆來膏腴盡蒿萊

燕路

燕路尺條半牛角磨石虎云是趙王墓
臨碑字莫數樹老昔
青青小爵集春雨宮寢在錢塘視此一
抔土侍葬兩將軍惜
哉無肺膽

題畫

山村初煖試春衣啼鳥催人入翠微
展齒莫嫌風雨後落花
深處帶香歸

周

容字鄭山一字

整堂鄉人

容性野弛不羈御史職殿臣一見賞契

寧波府志傳周容性野弛不羈御史職殿臣一見賞契
由是著名後殿臣避跡天童海寇掠之而去容卽倉皇
奔走以身質之殿臣得返而容代受刑枯足爲之跋乘
間竊歸乃縱橫於詩古文詞尤工書法斂鋒鏗於揮操

中時謂容之詩勝

於文書勝於詩云

袁鈞曰周容爲明諸生遊跡徧天下善書畫好飲恢諧
頗蕪然負才使氣人以徐渭方之晚年歸道有非意之

干復遊京師會舉詞科廷臣爭欲引
薦力辭未幾卒所著多散佚不傳

雜感

烟末忽自起游雲相與迎纏綿似夙昔各能感性情促織愛
蟬力慨然爲之鳴人生同此路無事傷歛頰大海知有波大
田知有草接劍杯酒問相識嫌太早

虎邱

入院攀花草春光此地偏千年王霸地三月女兒天茶社分
亭樓歌臺聚酒船那能無醉隔岸已啼鶻

今歸

難聲催櫓急難到舊漁磯月淡人呼渡霜濃犬出扉招魂思
昨險拭眼悟今歸鄰叟牖頭問應先泪溼衣

送客

送客籬門巷轉西同看歸鷺數行齊鄰家欲盡江風大人影
初長野日低得地藏身謀艸閣就春生計羨蔬畦躊躇未竟
今朝話願約同牀聽曉雞

謝爲霖

字孝輔一字念夢
鄞人著春草堂集

績耆舊傳謝氏自丁亥皮子而後貽鄉里幾不得豫
衣冠之列矣念夢刻意求雪之於諸遺民庶已帥友子
是高文隱學李丈果堂錢丈退山皆稍稱歎曰山公所
謂天地尚有消息者也引而進之謝氏之得免排斥自
念夢始

袁鈞曰謝爲霖爲子宜長子學
詩子應巢古文亦有法早卒

歲暮呈同社和果堂先生韻

闔盡炎涼更坦然自憐精力不如前今宵小酌分殘歲明日
相逢說去年牆角荒雜驚容夢牀頭飢鼠攪人眠先生曾次
無他事只愛淵明飲酒篇

范洪震

字鶴百

袁鈞曰范洪震父億故孝子洪震醮類其父年十二失
 母哀毀骨立事繼母如所生父得危疾刺血寫疏禱於
 神乞以身代醫言曰氣已絕無生理不肯斃方洪震涕
 泗鳴咽祈不已醫謂然曰或獲幸尚可為也洪震嘗之
 則辛醫與藥尋愈由是謂古方書曰候父脈理氣色逆
 情其術求治者貧不受酬不資藥直候父脈理氣色逆
 拾遺金待其人還之凡拯人疾苦助人喪葬事指不勝
 屈洪震病城鄉之人奔走祈禱問疾不絕於路及卒哭
 之者數千人洪震與杜懋俊交懋俊死節慨然謂未葬
 當於我菲無子我當為子後之因出貲命其從子琦營
 窆於我菲無子我當為子後之因出貲命其從子琦營
 傷酒醉後嬉戲伴狂無所不為竟以此戕其身云

漁父

江上逢漁父
浩歌鼓短枻
朝山戴青山
暮歸戴明月

泊北渡

渡頭寒月上
獨酌待潮生
遠听來人語
空江落雁聲

馮愷琦

字竹相自稱漁
山雅子慈谿人

袁鈞曰馮愷琦爲元颺子博
雅善詩文更喜填詞濠士也

五岳河訪冷表舅作

路轉河橋見水村
幾家紅樹歷頽垣
荷蕢一老跨牛背
冒雨羣雞啄稻孫
行指前山驚舊跡
懷追往事屢重言
燒燈喜其村中酒
草屋風多早閉門

馮愷愈

字道濟一字榕堂慈谿人著涉江錄西江詠

袁鈞曰馮愷愈爲元颺子前明諸生以蔭授錦衣衛正千戶遭亂未仕

贈別方爾止

豐山西距蜀山東
廿載賓朋聚散中
賸我孤游尋舊壘
把君好句弔秋風
雨侵水榭更霽澀
泪逐歌筵蠟燭紅
斗酒更邀連日醉
老年兄弟幾宵同

紅葉行

我行大江東復西自夏徂秋景物移輕霖引絲風拂面柏葉
正墮紅參差人憐霜林顏色好豈念此卽飄零時夜來浪浪
雨聲急古塘野逕悲紛披昔日紅顏今白首以色媚人那得

久

周志寧

字爾坎自號禱園逸叟
奉化人著詩集五集

袁鈞曰周志寧爲前明諸生以文行著稱崇禎時父立
本爲上虞訓導志寧先機啟父謝事歸明亡後屏跡半
畝園中奉父偕隱晚歲阮窮
每吟咏懷弔不知時歌自若

過北山寺

水響門前石嵐封階下苔寺貧僧不定春去客還來籬圻過
頭筍林殘澗齒梅松風如有待延客入雲堆

春風詞

吹向芳闌艸又生百花步障遞春聲年年綠到貧家樹始信

東風不世情

周

西字方人嶺海人著
續者舊傳先生之詩不輕與人唱和故流傳亦少吾鄉

則鄧山泉堂其素心也證山翁曰方人之詩下筆皆有

真氣可

謂知言

袁鈞曰周西居蒞江少喜讀書父母憐其體弱稍飾制

之則密穢火書室侯父母熱睡重舉燈以被蒙之久之

彼如黑明十年才二十餘棄舉業奉母寓鄧之寶林學

者多從之遊願治西母豐碩以為高家媼用火薰之求

山中狎遇盜盜見西母乞身代賊揮戈殺其右手斷

金西抱母大痛撲滅其火乞身代賊揮戈殺其右手斷

將指旁一卒曰孝子也得免既久寓寶林挈家依諸生

問出游多歌賦不合仍歸寶林西於易書詩禮春秋孟

子皆有圓解史漢皆有論說唐宋杜韓諸大家皆有

抄所稱勁草諸編者也晚年移寓入城卒于城中

山夜有懷老母

憂來不自已岸橫步中庭忽然見吾影仰天乃有星晴光遍
千里照我北堂屏老母應未臥弄孫引秋螢

絕炊

謀生計拙只孤眠，依舊淒涼寄一瓊。
孺子長貧門有席，范生窮絕竈無煙。
十年家計餘茅屋，八口秋糧賴硯田。
鄰老持錢歸遠市，相傳斗米價三千。

薛士學

初名士瑛，字五玉，鎮海布衣，著書巖集。

詩文草創，小傳先生丁巳，貢於鄉，博極羣書，丹黃甲乙，無不精確，有破帽記，自言夜食後，伸紙濡筆，屬草數十行，忽烟煤數片亂零如蝶翅，一仰矚而光已炎，炎急呼，兒子登樓，則帽頂蒸其一角，蓋先生目睛短視，俯首就書，晝夜無間如此。

袁鈞曰：薛士學爲前明兵部尚書三才從子，博學工詩，古文詞爲諸生有名，已而棄去，康熙十六年，應貢不赴，邑令唐鴻舉就見之，使人謝曰：某布衣不敢私辱明公，如不獲辭，則請於學宮可矣。及期行，但見禮外無一語及他事，時論高之。

朱文藻曰：先生爲前明諸生，後棄去，康熙十六年，應貢不赴，且有布衣不敢辱明公之語，則詩文改創所云丁

已貢於鄉非其實矣
今竟以布衣目之

春江花月夜

春歸不歸江水深花落不落煙沈沈
烟波兩岸花生處客路
瀟湘從此去瀟湘東望古揚州
遊子家臨野渡頭有恨春花
惜春暮無情江水自東流
江水春深處處艫青樓金盡未還
家深聞深處顏如玉自捲珠簾問
落花春花無語落無聲
陵
破雲開江月盈應爲良時惜離別
碧天銀漢夜三更可憐天
涯魂秋飛可憐鴛錦裁春衣
夢中花滿瀟湘岸醒後潮生燕
子磯燕子磯頭春色多
雨花臺上夜如何江梅吹落桓伊笛
江月寒生白苧歌楚江水入吳江
水波影淪漣月千里寄語
瀟湘對月人相思相憶今如此

謝熾昌

字翼昭
鎮海人

兩浙輞軒錄

卷四

蘇士學謝熾昌

十

詩文草創小傳謝職昌詩絕無蹊徑自扞胸臆慈水姜
宸英贈詩云江湖帶雨過寒城十五年前途此行邂逅
幾回成老大風塵何處足浮名春生海上雲霞氣日
煖籬邊鳥雀聲知爾西堂吟正好到來惟共酒杯傾
獨上靈峯寺

看山意已迫入戶只雲封僧舍無人問泉流到處逢短筇隨
草徑孤屐歷高峯倦鳥無還影行歸半嶺松

何國仁

字道安號飽菴山陰人
潘桂堂傳器曰先生於崇禎末年由廐天諸生聘修王

碟以思入貢例得赴選人

本朝定鼎後歸越家已中落時假館江淮間放情詩酒與
章雪菴葉藩仙何昭侯諸名士相唱和歿後其諸孫編

其詩文爲道安
先生集十二卷

秋日村居招董子猷草酌

八月東皋菰正肥故人相就酌清暉柴門樹密秋先老好客
家貧見亦稀此日盤餐殊行愧頻年湖海竟無依殷勤不厭

重攜手白酒黃花醉未歸

葉雷生

字蕃仙山陰人著遊滌草

黃間平日蕃仙自立在千仞岡宜其所詣高絕舊刻遊滌草多悲涼之色近復雄深俊激進乎純粹矣

毛大可曰蕃仙詩如跨山弄雪高永而秀削擬古

諸作放懷徒歌自爾隱心測脚此情至之謂也

孫度曰蕃仙係前

明崇禎壬午舉人

聞陳四玉倩授東甌學博

夜堂蟋蟀動秋寒
塞雁封題珍重看
去國舊懷江總恨
故人新授鄭虔官
射潮地軸心猶壯
獻策天門路較難
却憶十年同作客
旗亭風雪渡奚乾

向

璿

字荆山山陰人著志學錄

方雨忽翳少頃復雪

陰雨未移時晴光散夕暉
天高增野闊雲去放山歸
滴瀝巖

雨浙輜軒錄

卷四

何國仁葉雷生向璿

十一

泉細楂枒柳樹稀須臾飛霰集四望復憇微

朱用

諱字于翁山陰人著周亭詩集

朱彝尊曰于詩五律原本襄陽太白故以跌宕見長詎之如食哀梨但覺甘脆七言如古祠老樹寒鴉集官路斜陽牧馬還亦名句也

西陵望江樓送客

驛樓數去程臨別酒復傾幾日樓前柳春風吹滿城雲帆忽
遠去水鳥齊哀鳴浩蕩西陵路離懷若與并

送陳無名歸涇陽

歸去楓溪好千山如畫園花邊開板屋竹裏見晴湖送爾惜
芳草到時聞鷓鴣應憐浣紗石酒罷月明孤

鑑湖寄錫鬯

檀綬紅蘭新鴛鴦飛近人一壺如碧玉愛此鏡湖濱年年二

三月日日桃花春不減武陵渡欲邀劉逸民

史在朋

趙郡詩選作在明字晉生號鹿園餘姚人著鹿園詩草

姚江詩存在朋少為諸生受業於黃漳浦時漳浦方祭告禹陵在朋以詩文為贊漳浦器之曰今之杜牧之也

賦詩贈之後在朋以志節見重鄉里論者謂黃門二首在朋猶叢山之有羨希轍云

月下聞紅篋歌

海門月出江城秋秋風颯颯哀江頭鄰女深更眠不得當樓
抱月彈箜篌箜篌啞彈未歇玉女吹花白如雪一曲江風
飛入雲天上姮娥亦離別思婦開簾玩月華征人海上怨琵琶
相憶交河千萬里誰道江邊是妾家二十五絃彈不住水
月迢迢隔江樹泣下流黃烏夜啼聲聲吹向郎邊去

俞

鼎字舜仲號石嶠梓姚

來集之秋吟集序畧曰石嶠對菊東籬泛舟南浦翦菱荷以為衣釀酒靈以為漿故其詩以烟霞之氣發金石

聲之

毛奇齡秋吟集序曰秋吟風旨道上梗概多氣雖縱橫脾睨要歸大雅

雪中寄懷毛大可

句踐城南話索居別來清雪灑庭除
榭花繞榻應呼酒嶽色當窗定著書
廿載疎狂同叔夜千秋詞賦勝相如
月明擬發山陰棹一訪西河高士廬

溪上看月

天許放閒身行歌溪水濱
風微波影細烟淨露華新
松韻如呼鶴山青欲近人
蒼茫千頃碧相約採江蘋

虛憇殿宰虎臣東陽人著一草亭

金華詩錄虎臣性坦易年少如老成人婦寄金華元雅重之時魏瑞碑壽羅織東林懸殿陰房保全善類鼎革後以詩歌為後進領袖共族孫士鶴創立社會邀之執牛耳老年神清襟朗以上詩終至易著猶諱諱為人言

某事出某書某典故出某朝也所爲詩頗工于結聯使
意不竭游壽山追憶黃昏鄉詩句有感云徘徊重憶前
人詠又見華胥一局殘立春先一夕小飲云流連卜夜
難爲別其待春光逐曉來夜飲水月軒樓中云是處燿
霞收拾盡山農歸去也

風流殊覺纒綿有致

卽事時避兵李家

不謂經多難翻成得勝遊一菴高出嶺萬木老生秋山月清
人思天風洗客愁况逢賢地主杯酒足淹留

雨夜過伯楨談

書屋更深雨未收閒將奇字問朋儔一燈遙映千竿竹五夜
相看兩徹裘薄附村醪差破寂浪談心事忽添愁永懷輾轉
難爲寐聽得雞聲欲舞劉

金字公純

義烏人

徵獻器尙可喜平廣時光在惟懼陰活人不可勝記性
高瞻好文寶朋滿座相與談藝賦詩可喜子之信之爲

兩折階町錄

卷四

盧慈殿金光

三

逆也後光時光子以制已爲可喜婿即娶妻歸家以桐
雖藩寄物恂如寒素士妻亦樸儉如邨姬手縫紉不暇
御邪賢之光在廣或贈以詩曰公在王門好行德手作
風雷眼水雪西山爽氣兩條風北海芳馥千里客又曰
陰符勞借箸仁術
起投竿並見鳳賦

過問歸亭有感

容易風塵老客顏宦遊能得幾人還六橋桃柳家何在百粵
文章淚欲潛驛路秋雲江上雁鄉心夜月夢中山寧知幻累
情先覺袁女當年返玉環

林必登

字翰仙
永嘉人

贈體印上人

蓮宇依鰲背花臺倚蜃川山山青送黛樹樹綠生烟悟徹江
聲苦心間海色鮮蘭盂清曉氣茗椀洗春泉入望銀城迴浮
空寶筏懸雲垂龍聽法林動鳥歸禪鐘磬波間月樓臺水底

天昔曾從而壁今亦幾忘筌香積僧厨午菩提佛國年西來
當日意誰其遠公傳

卓

馮字肖生號海
瑞安人

竹枝詞

嚴陵灘水清照眉六管灘頭濁似泥一樣高灘兩般水那識
郎心歸不歸

吳

川字東溟
平陽人

郊行

日昃秋雲薄郊虛田舍稀魚磯誰獨釣鷗鳥自雙飛新水見
人影涼風滿客衣欲沽村店酒紫蟹正初肥

過張氏別墅

一片閒閒地幽棲只數間莓牆閑俗敞花逕入春山池草催

詩綠湘簾映竹斑坐看松雨過雲其意俱閒

夜泊瓜洲

江風吹酒醒江月上初絃燈影中流寺歌聲兩岸船鄉心懷
越土詩思滿吳天嘹唳孤飛雁衝寒下渚煙

春興

弱柳垂陰暗小堂捲簾山色對吟牀五更風急梨花少二月
春深燕子忙茶破月剛浮鼎細草紫書帶覆堦長別來渴想
平生友多有新詩肯寄將

查詩繼

守二南號愚翁又號樊村海寧人順治甲午舉人
官霍邱知縣著蕭蕭軒袁北窗小草樊村集深寧

齋近

紫

俞寶華曰查詩繼知霍邱縣有惠政去
之日父老請省繼請保雷終以乞休歸
讀元道州春陵行有感呈上官

民命真當惜守官良獨難不因兩稅緩那得一州安署考甘
中下臨危耐錯盤心肝奉

宸極兩向

御屏看

何元英

字楚音秀水人順治乙未進士由行人歷戶部郎擢御史累官通政參議

稿李詩繫楚音授御史時屢上封事皆關大政生平慷慨急人患難性好客戶外屢常滿酒鎗簪珥時在質庫中

蔣陰雜記海波寺街古藤書屋康熙初何御史元英寓此名丹臺書屋王徵齋汪蛟門識集有詩丙辰朱竹垞來京有飲藤花下詩云冷卿宴客已無幾時官鴻臚少卿假歸後竹垞接住此屋今人但知竹垞寓舍不知前有何少卿也

送楊武部奉使交陞

甲帳雲從象郡開天南驚見使君來清風不羨珊瑚樹海日

遙明馬援臺澤徧雕題蠻獠舞檄傳浪泊鼓鐘迴佇看萬里
圖

王會漢殿真需論蜀才

湯

燕字金鏡東陽人
順治丁酉舉人

夜泊安山看雁落

返照蒼茫暝色寒雁行嘹唳下西灘江南爾去應先到爲我
道傳歸路安

陳源

世字子遠號邁
齊海寧人

題寄菴兼懷宋人遠

雲構依巖出秋深一逕通江天難辨色樓閣迴含空有竹峯
峯翠無花樹樹紅長懷入蜀者吟苦萬山中

周

微字道耕號新沱
源隱海寧人

俞賓華曰田微即陶確破暘
詩所云道耕自隱者是也

登紫微峯和章孝標韻

散步高峯上披襟坐翠微
蒼藤穿石冷古木凝雲飛
路僻苔欹杖山空翠溼衣
隔林清磬度明月送人歸

徐

鯤字左魚
海寧人

秦王松

秦王松五大夫
膺帝爵離帝都
寒溪無聲草木枯
白鶴來巢第一株

楊廷棟

字豫楨
海寧人

餞燕

念爾離堂暮南歸亦壯哉
棄巢知不惜戀主得無哀
荒草悲吳苑寒烟下越臺
海天彌望闊再到待春來

吳太沖

字然寘
海寧人

蘇路曰太沖崇禎辛未進士官司業中允入
本朝不仕優游林泉以終著息心窩集

青青河畔草

柳色今朝是春情明日非春情與柳色相照復相違對鏡初
停織行歌自采薇紫駟陌上住夫婿夢中歸無計酬明月纔
昏便掩扉

高思謙

海寧人

莫春過拙園

地癖曾無車馬喧紆徐一路入空園雨啼桑外鳩夫婦春長
林間竹子孫十里溪光涵水榭幾重嵐翠鎖柴門輞川地隔
孤山遠遊釣名傳角里村

雲岫菴

飛閣臨高磴，攀蘿興轉濃。
長天低遠樹，怒瀑瀉危峯。
經蹊前朝字，偷談往日踪。
白雲迷去路，謾謾聽風松。

部

鼎字子大號雲
青海軍諸生

讀書藻野園

綠覆雙扉一徑斜，行吟不斷細煙遮。
堤牽柳恨時生雨，池課魚糧更落花。
欲覓好懷酬勝地，且留幽思駐窗紗。
閉門靜坐纔經月，幸未匆匆負歲華。

蔣作楫

字韓方海寧諸生著述齋詩草

汪淮曰蔣氏以詩文名者如伏羌令南邨先生湖廣學使凝齋先生其尤著也韓方胚胎前光好古續學其詩天機清妙不爲險怪深癖之句尤工繪事殘縑香楨人競惜之

同人遊昂驤舊園

惆悵田園主已非，烟霞空鎖草痕肥。
敗牆有址牛羊牧，破屋

兩浙輞軒錄卷四

吳中詩話 蔣作楫

七

無人鳥雀飛昔日琴樽良會數此時簪履到門稀炎涼聚散如碁局每一經過歎式微

虞相瑋

字在欵嘉興人著復旦堂集

攜李詩繫虞相堯爲前明給諫廷陞子崇禎壬午舉人國初以母老陳請終養

除夜感懷

浪擲金錢卜大刀絕裾未忍豈鳴高灌園何事營三窟攬鏡

新知有二毛短笛笑吹青玉案斜封恥進鬱輪袍

新恩雨露容將母

感馮中丞郁大理得請

折得梅花當木桃

注

字無上更字爾陶嘉興人著自城道案

攜李詩繫汪撰爲前明崇禎癸未進士不仕書法似陰陽卒更年六十五無疾而逝

朱太守鶴洲草堂落成同諸公讌集

澗谿巖削徑初成雅稱歸來物外情近郭門無軍將打過橋

籠有佛燈明雙柀煙島昂藏窟獨嘯風林斷續鶯敢謂幽蹤
希二仲深煩折簡費將迎

夏

駟

字文茵號宛來烏程人康熙己未舉博學鴻儒著洽然堂集

吳興詩話康熙己未鴻博之選吾湖只舉夏宛來駟旋以董誥未試趙黃門吉士赴交城任著交山平寇本末採鐵鑄劍似之有青鋒三尺腰間雪瑯管干技藹裏花之句著劇溪集論落以終訖問學辭詩一笑功名看塞馬忘懷心事羨沙鷗

陽灘

巖嶂週遭碧蒼茫去住間萬松明遠雪一雅響空山昔日柴
門閉穿雲樵路開此中真可樂漂泊幾時還

袁

秣

字丹六嘉興人一作海寧人

燕山旅懷

上谷稱天府雄圖自昔開停車碣石館置酒華陽臺醉舞高

柯折曾手錄

虞相堯汪挺夏駟袁秣

六

虹動商歌白日哀，干霄思奮翻。振袂拂黃埃。

沈

章一名璋，字宗玉，嘉興太學生，著《夢莊集》。

橋李詩，盛宗玉居嘉興之白苧村，有魚梁，藕花淑水，竹灣，諸勝，皆自爲題，咏集名《夢莊》，應能拔俗。

淮陰侯祠

淮水十洲泥半石，行人入門三歎息。王孫功高天下疑，赤龍
雌雉俱慙德。前有涓水後桐廬，進則不足退有餘。曷不歸釣
城南魚

靈谷寺看梅

下馬看碑度孝陵，山椒十里樹層層。半開香氣清於水，一路
人家靜似僧。春動粉黛都化蝶，夜寒花片欲成冰。無煩縹緲
兼燒燭，月白煙黃睡未能。

沈文輝

字履亨，嘉興諸生，著《瓜田遺藁》。

西莊

乍喜人烟接，都無俗客喧。漸能諳稼穡，不復厭雞豚。仄徑苔
梅古疎籬竹，屋存東塍近。僧院清磬報黃昏。

孫一驪

字天卿，秀水拔貢。生著硯隱居集。

重過高二部高公西園

十畝開園舊板橋，道南重過黯魂銷。秋花黃蝶猶成隊，曉露
紅蘭惜易凋。事去英雄時坎壈，年來車馬巷蕭條。靈均一去
何由返，空對江潭賦大招。

金蘭孫

字篔簹，秀水諸生。著鐵巖集。

詠懷

萬籟吹至音悅耳，非絲竹至道有餘甘。所懽非粱肉，衣被蓋
天下。何必綺與縠，貴固非吾榮。賤亦非吾辱，粟粟同履冰。粥

神法軒車金

粥若捧玉毫髮苟有違海水終難沃

高道素

字元期嘉善人

岡歸漫興

暑往雪載零寒歸歲方煥風波餘惴慄門庭幸肅穆青苔上
短牆黃葉覆深屋林香放早梅徑淺難疎竹窮途感伐檀力
耕代微祿閉門方倦遊鳴琴散幽獨坐覺道心長寧憂去日

速

吳謙牧

字哀仲海鹽人藩昌從弟諸生著困勉齋錄

精李詩繫種牧亦以母喪哀毀卒與其從兄蕭昌里人並稱孝子

谷水歌

雲翠九十九蒼翠滿山松借問清秋月先懸第幾峯
我登湖上樓湖上秋風發蕩搖湖水光欲墮雲中月

徐仲選

字華海一字推衣海
監監生著雀友詩藁

水村

照檻晴光眼未迷
瘦藤斜影度橋西
沙頭白鴨黃鵝睡
籬畔竹棚豆架低
屋似魚船疎荻繞
亭如僧笠稗松齊
此鄉風景真堪戀
只合攜餅老菜畦

姚世靖

字子清號蕪師平
湖人善翠樾軒藁

錢仁榮曰藥師居廣陳之
南溪爲詩秀逸一空俗調

今昔行悲老嫗有序

余少失怙以族子兒撫於叔父故大司寇公每朔望
一入至陳淑人所見所爲傅嫗者主守門旣司寇淑
人相次下世不數年子孝廉又殞高臺曲池半爲蔓
艸傅嫗故在儲千里之豪以食余感其貧困又以盛

衰之故愴然于懷爲作今昔行以寄意焉

春風老嫗悲南陌淚如連絲啼不得曾是朱門舊日人今來
宛轉無衣食憶昔尙書全盛時雁行珠履何差池連雲甲第
倚雲漢中有金屋多蛾眉歲蕤鉶鑰黃金鋪屈戌盤龍雙虬
轉南窗北牖隱相望惟容此嫗當關呼晝逐瓊筵洗鑿落夜
趨綺帳拂流蘇是時竹馬余翩翩烏衣伯仲羣少年競賭羅
囊走堂下獨成蠟鳳戲堦前中間令弟託心素春草西堂夢
佳句衰兀應高定國闊悲涼却掃延年墓一別人琴遂杳然
百年書籍終誰付山陽思舊空笛聲平原歎逝徒詞賦昔日
池臺生棘榛清歌妙舞共灰塵龍鍾白首還淪落乞食常從
舊比鄰吁嗟世事無不有海水蓬萊幾回首茂陵高臥馬相
如終年消渴長著書因風爲問青雲客何處紅塵無覆車

子

琳字貞琳號甘山平

琳字貞琳號甘山平

構李詩鑿片山少承父志述三易得留學九卷廣變四卷象告二卷皆原九圖之意以立言生平好接異人上至天文家下及地理諸書以至馬柱二氏之學靡不精通妙繪事善行指晚年忽盡法其學發大藏諸經倪首沈思疏注撈嚴法華華嚴諸部樓遲精舍累月不去啖菜飲水居然苦行卒于康熙庚申年八十五

贈鄒兩爲備兵西寧南歸里門

建牙開府黑山東此日聲名在五戎首藉花濃宛馬健蒲萄
酒熟成樓空風高吐魯鶯傳箭雪滿蓬婆競挽弓生入玉門
班定遠何人重報月氏功

戈中顏

字魯公號又度原

稿李詩鑿又度善書工篆刻亦能詩老而無子寒餓以終

和屠我法雙梅詩

寂對難追冰雪經芳聯伯仲翼荒垌風狂骨立高嵇阮雨妒

香孤泣尹邢接武玳談桃富貴比肩笑慰竹飄零爭春凍雀
噴空谷相顧聊堪影贈形

朱萬錡

字潔湘桐鄉人前明崇禎丙子舉人順治初官樂陵知縣著歸來日注惠風堂集

僧房看蠟梅

風光浪擲惜年華已見新黃作異葩仙骨夜涼偷玉笛小香
冬暖透綾紗坐無俗客妨佳句庭有幽禽守凍花都說上陽
金谷好如何及得老僧家

沈廣輿

字駒士號瑞田烏程人著菰蘆集

坐雨

震雷開夜半驟雨至崇朝野水高平岸山雲亂壓橋吳關愁
裏度越國望中遙十祇溪川綠何時看插苗

沈調元

字子綬烏程人

懷大兄雪樵

早茂聲名震雉壇推顏霜鬢舊儒冠同枝兄弟他鄉隔半世
飄零一面難哀爲江南遊子發淚從燕市酒人彈杖頭應念
歸休計形影天涯老自看

故國風流一夢如生涯久矣付樵漁烏衣門巷非前日綺里
冠裳有廢墟離亂始知高士傳老窮深信絕交書升沈我亦
從吾好不向枯莖再卜居

鄭興田

字未詳歸安人順治己丑進士官吏部員外郎

神仙宮禮斗壇

夜斗朝真玉漏寒幾疑環珮擁仙官星攢碧落珠千顆月浸
丹臺雪一盤天樂幾時曾駐鶴彩雲何處又乘鸞石牀風雨
連秋草閭宇無聲白露殘

兩浙輶軒錄

卷四

朱苗錄 沈士穎 沈士穎

三

沈士穎

字詒先一字心石 邦人著說齋集

袁鈞曰沈士穎爲前明荆門知州延祉子明亡後棄諸生年才二十四鶴林八子士穎其最少也杭之遺民如汪濕徐蘭生皆願重之尋以事下獄高斗魁兄弟救之得出頻遭推排不承其年論者惜之

畱別董在中山居

欲雨催歸速 踟躕未忍還 懷君如皎月 別後亦青山 鳥不隨雲隱 天應與世閒 莫忘子善謔 聊自解愁顏

張兆林

字翠峰 鄞人

立夏

疊雪羅衣換 夏天鶯聲喚 醒綠楊 眠春何不閑 二三月老想還狂 一百年紅飯 香新兼豆軟 黃魚味美帶冰鮮 畏炎蚤與園丁計 葢個松蓬近檻邊

水寶璐

字上若一字清泉 鄞人著問心齋集

袁鈞曰水竇路
為前明佳允孫

秋懷

楓老歸殘畫山秋入暮琴檢書呼子讀得句對妻吟酒浸盃
中月霜飛石上砧懷來愁莫解不覺淚沾襟

孫文祖

字華峰
奉化人

夜坐

雨歇宵影澄天清月華素空山秋欲來涼意先在戶蕭蕭林
樾風泫泫幽篁露草虛亦何知含悽感遲暮神機運寒暑物
化遞新故深思無與言美人隔江浦

洪

崑

字石香鎮海人
著坐忘齋集

袁鈞曰洪崑為明季諸生晚隱於緇衣其祖應科
字振河由舉人官順慶府同知殉難贈尚寶卿

李吉歸自婁江賦贈

兩浙輶軒錄

卷四

沈士頌張兆林小寶齋孫文祖洪崑

三

韓陵一片石五月落梅村慘淡名山業蒼涼國士恩青雲高
健筆白雪動離尊千古婁江上人傳孝里門

澤國二千里茫茫客入吳亂煙平楚合寒雨大江孤寸草心
何補豐碑泪欲枯城頭一片月夜夜照啼鳥

朱禹錫

字孟璜山陰人順治乙未恩貢生官山陽知縣入爲吏部稽勳司主事

孫度曰先生官階舊無可考據府志選舉知爲順治乙未恩貢生毛太史詩集有寄朱大禹錫出宰山陽又有山陽贈朱明府詩及喜聞朱山陽遷吏部稽勳詩知其由山陽合內擢稽勳也然所見者止此而已

雨不止

江城雨暗夢難通蕭瑟寒風動遠空一枕離愁催蟋蟀萬家
砧杵老梧桐澄清漫切中原志疏鑿深思河洛功寂寞不堪
重悵望秦山鑑水恨無窮

馬允璜

字玉老會稽人

越郡詩選玉起詩殿媚秀聲
情合古選慧雲詩則俊似玩

期慧雲不至

孤樓遠同至際爾深秋時
泠泠霜葉下曠然懷所思
憶昔始分手爲此山中期
繼繼雞黍約所盟良不移
計程日遑遑悵望來何遲
葳蕤芳艸合慘淡巒谷迷
頽景映林杪漸覺行人稀
掩扉還獨酌何以慰調飢

夢陶大復

秋風浙浙寒漏長浮雲飄忽從
風翔故人一別久未見中宵
夢見猶在旁尚憶元言得奇趣
相攜其倚山中樹醒來自擁
前被眠稍覺烏啼達天曙

王雅禮

字文叔蕭山人
著高峯橋詩

毛奇齡題王文叔詩冊口文叔身隱而文遨遊吳楚間
爭欲刻其詩人見之者以爲近于襄陽云向選文叔詩

何所著于象

卷四

朱禹錫馮允強王維禮

三

世爭誦其排律百韻近文
叔製樂辭一卷凌隸漢魏

喜弟至

春杏雨霏霏行人薄暮歸久占烏鵲信忽對鶺鴒飛山笋連
根白河魚帶子肥池塘還得句與汝笑萱幃

朱玉貞

字斯佩蕭山人
著天香樓集

毛奇齡天香樓集序曰子詣斯佩所著書無一存者而
時盛暑坐林下索子點定今斯佩所著書無一存者而
獨是集以于所點定特爲編攝乃得存則是斯
佩著述皆可傳而惜子之不盡爲點定之也

北幹晚眺

春色望來同陰陰萬綠穠人家楊柳下佛寺薜蘿中江氣蒸
雲白山花帶雨紅晚晴坡上坐拂拂起松風

施

植字友多黃巖人著
其寒集象緯賈疑

贈長洲郭凌雲先生

秋高紫氣接天台千里姑蘇策蹇來匣裏劍光寒斗極袖中
詩卷挾風雷夷門結客多奇計碣石談天自快才駿骨由來
推郭隗黃金此日滿燕臺

潘汝度

字宏甫號休菴太平人

陳焯曰休菴詩才清逸何仲尚謂其得海東山川之秀

遊范令公草堂

烽火驅人客異鄉相逢攜手話滄浪同君修竹林邊過指我
白雲深處藏秋水石橋嵐影淡春風茅舍草花香此中好景
憑收盡笑被移文到草堂

季廷梁

字劍菴號冰軒太平人順治戊子拔貢生官

陳焯曰廷梁知善寧時郝逆作亂身冒矢石長子炎職

王師抵廣誠復公依柵山砦中以次經理地方始有起色改

兩浙輶軒錄

卷四

朱玉貞地積潘汝度季廷梁

畫

頭娥之謠俗
以妾爲娥也

海陽獄中作

纔鳴堂上琴，忽作帳下虜。
劫我篋中書，奪我肘後組。
匏繫同妻孥，瓜分盡童豎。
逆威恣鞭笞，辱軀困囹圄。
一死良吾分，輕生恐無補。
鷺鳥學早飛，冷眼看孤鼠。

送春

春來我不覺，春去竟何之。
痴蝶耽餘夢，殘鶯惜舊枝。
登樓芳草暮，走馬落花隨。
送爾誰爲主，青山獨自支。

諸葛麒

字走聖蘭
爲貢生

送趙總戎鎮寧夏

羽騎將三萬，銅符鎮朔方。
劍光隨月白，兵氣聚雲黃。
雁塞求封邑，龍堆認戰場。
知君真將種，計日聽平羌。

盧光恢

字玉成東陽人以諸生官長安丞著擊筑吟

金華詩錄玉成有四方志遠歷荆楚汾晉齊魯之鄉所作詩有南北遊草凡五刻皆佚僅存擊筑吟乃入都時

也

鷄鳴山

明月山前鐵篋衰楚軍拭淚盡東回歌聲不是尋常調吹散咸陽一炬灰

張

俊字公楨永嘉人

中川

盤極凌空亦壯哉水晶宮殿此中開雲扶塔影隨波湧風挾潮聲撼地來落日寒蟬鳴綠樹荒亭古碣繡蒼苔淒涼畱得雙洞在千古精光射斗台

楊兆岳

字顯五永嘉人

再折舊耳錄

卷四

詩錄盧光恢張俊楊兆岳

美

送法幢大師之大梅并遊台宕

化人遠在海天垂手把孤筇一問之道契寧辭千嶂隔身期
只有片雲隨石梁月落應留傷雁宕秋來好賦詩此去歸期
難屈指門前記取舊松枝

詹堯廣

字德運永
嘉恩貢生

中秋宿孤嶼

明月中秋好江天正次寥樓臺沈暮鐘鼓咽寒潮龍女珠
明滅皎人室動搖題詩誰與共珍重此良宵

吳經國

字大猷號玉
蒼永嘉人

過劉長孫齋頭對月

逸度翩翩命世雄投簪偃息謝池東醉疑月色半林雪靜聽
松濤一枕風春樹每懷經歲別芳尊更喜故人同南山未許

將軍臥畫角秋生動玉驄

金

鏡

字金心
長興人

陳焯曰金鏡爲前明崇禎間歲貢隱居不仕

思婦

簾捲西山暮蕭蕭人倚樓寒雲遮遠道昨夢到伊州白雁橫
空度銀河直北流蘂砧消息斷心折大刀頭

和友人見寄

隔歲相逢碧樹秋故人零落憶同游傷懷漫下山陽淚乘興
還來雪夜舟春樹狂歌呼白墮曉窗起舞拭吳鉤思君極目
遙天際海嶼雲霞結蜃樓

范奇英

字異生鄞人順治丁亥拔貢生

金陵九日

兩浙輜軒錄

卷四

爲廣吳羅國金鏡毛彭范英

志

登高兄弟各天涯
落魄龍山愧孟嘉
雁背夕陽來舊浦
馬跡明月到離家
諸天增迴浮郊樹
六苑臺空墜砌花
一望長江感蕭瑟
秋風隨處老蒹葭

王

錫

字禹功號懷雲遂昌

此君亭詩話禹功詩別有哇町集中杜門雜詠自一東
至十五成分韻各賦一首句如命定只宜從我好數奇
何事乞人憐世上風波原不定胸中冰炭老方消叢喜
閒雲無定體誰嫌好鳥不特鳴閒吟每每蕭雙鬢酣睡
油油曲一脈饒有風致

夏日

長夏村莊靜蕭然
典不羣鳥聲高枕得
野色捲簾分煙雨
迷山蒸藤蘿鎖夕曛
家居無別事耕讀正須勤
長日真如歲疎慵
晝閉關杯中惟白酒
戶外卽青山坐此能
逃暑因之暫得閒
老夫倦纂述絕似野雲頑

樓啟瞻

字公肅浦江諸生著北征燕懷

樓中元日公肅醉吟編春兩亭詩餘

遊錫山

層巒渺翠微薄靄欲侵衣湖海連天闊風雲挾日飛龍文寶劍氣烏詔玉琴徽何處蘇門嘯山人半掩扉

范兆芝

字香谷鄞人

績香舊傳西湖七子雪樵年不滿三十天益香谷年皆不滿四十故其所造多在秀而不實之列然馮濠王之

長年不如汪童之窮天固

無庸以是為諸子惜也

袁鈞曰范兆芝為我躬子江干立國嘗為亂兵縛去逃

入空山七日不食且死故人周義士揀之次年十月與

於甬上五君子之禍僅而得免又三年為山寨所連蓋

五年入徒家凡三破乃定居於鄞陸宇燦輩以兆芝至

大嘉下是有七子之集兆芝雖甚困然見義必為張肯

堂之孫茂齋既出獄時歸華亭兆芝親為送往與肯堂

故將汝應元謀其家事既歸益寡授

徒鸚湖之上後以謀其父遊粵中卒

兩折舊耳錄卷四 王錫樓啟范兆芝

天

雨風西陵宿僧舍

敬載兵戈滯客樓連朝風雨斷江舟海門高浪橫雲黑吳地
蒼烟入郭浮梵磬冷回千里夢佛燈青照百年愁殘年搖落
征途遠漏滴宵長欲白頭

陳獻球

字翔皇鄞人著浣花莊奇蹟草

積善舊傳陳獻球育子聚奎游幕府死遂無後其詩言聚奎死象山時信郡王駐兵於此殆其參佐耶袁鈞曰陳獻球在前明爲貢生少有大節北都之變上書南樞史可法請其勤王明亡後高隱

金陵懷古

鬱葱山勢大江浮歷歷黃圖古帝州閭闔九天開復道衣冠
六代儘風流千官高塚麒麟臥一片寒蕪麋鹿遊滿目風煙
荒殿裏故宮絃管後庭秋

劉純熙

字晦生慈谿諸生

日暮

牛羊下日夕素月柴門生宿鳥樹高下微風雲重輕孤村轉
闕寂萬象歸虛明地僻無鐘磬惟聞泉夜聲

全大鏞

字聲遠一字微人鄞人著錄詩草

袁鈞曰全大鏞為少微孫盛德篤行亦林岳怪神滌一輩人

山居

紅塵飛不到青山小結蘅茅獨掩關野鳥亦耽幽處好塢花
長伴老夫閒稻黃五畝家纔足筠綠千竿手自刪更喜蟹肥
新釀熟鄰翁呼我醉溪灣

吳山

吳岡形勝大江環九劇三條指掌間挾彈王孫金勒馬焚香
少婦綠雲攏路通碧漢懸雙燈樓捲珠簾見萬山獨有子胥

祠外月年年相送暮潮還

沈光杰

字士掄鄞人
著楚餘詩草

立秋日西湖寄家書時將入蜀

欲將短句記西征無奈隔風百感生
葉下又添搖落恨帆飛先動別離情
幾年客况羞妻子一紙家書囑弟兄
蜀道崎嶇都莫問猿聲人處是秋聲

鄒

泰

字保臣奉化人
著墨莊逸乘

袁鈞曰鄒泰行高學博明亡隱居不出

田家

耕樵安素業喜得數經過
飯以辛勤得忙因兒女多
客來羞野饌人語怕催科
曝日籬邊坐商量歲若何

戴

浚

字南泉奉化人
著碧蘿集

護聖寺宿雪岩上人房

扶藜尋勝覽躡蹻度危岑欲結白蓮社欣逢支道林柏蘿樓
焚彭水石護禪心入夜空山靜猶聞鐘磬音

倪會鼎

字子新
上虞人

傅王露撰傳畧曰會鼎文貞公子也幼侍文貞于京邸
偶憩街下有中貴數人望見叩角儒雅遣使請接席會
鼎念父方奏撤官官丞引去時纔十四齡耳黃道周謫
官至越鼎從之受業其後周旋忠難間析性命之學文
貞殉國祖母既大盡母又屢欲殉死遂杜門奉養頃刻
不離康熙十年
山林隱逸存爲
詔舉
推敬者力辭之
越風子新先生名德頊望推重一鄉其弟恒闔先
生名會宣亦持身高潔工隸書惜無詩文傳世

謁文信公祠

丞相荒祠近杏壇森古柏覆苔寒匡山萬折身同盡柴市
千秋血未乾天地於今甯正氣故鄉何必遂黃冠我來憑弔

秋風候宛是睢陽廟下看

陳翰邦

字合齋 鄞諸生貞從弟

初霽泛舟郊遊適遇故人共載而歸

輕風送雨過前岡巨浸黏天浴日光一棹遠涵青嶂影片帆
低染綠蘋香橋通北渚逢漁舍路轉西河見草堂適遇故人
欣把臂相將斗酒話殘陽

林

健

字子強 永嘉人

東甌詩存林子強
爲永嘉五子之一

苦雨

滿日愁雲結窮居口似年溜穿榆莢地寒入棟花天香粒愁
鷓鴣春魂弔杜鵑歌聲出金石誰問子桑賢

寄吳江汪無我

雨過殘冰出澗流，荒林寒色對離愁。
懷人我自勞清夢，作客君應老素裘。
半部烟花三閤夜，一春蝦菜五湖舟。
追陪曾憶松臺月，短笛遙吹白雁秋。

黃厥昌

字燕及永嘉人

春暮尋陶貞白丹室故址

仙境人初到，花飛春已深。
白雲橫舊嶺，丹室隱重林。
不見金銀氣，惟聞山水音。
浮生爲物役，暫且寄幽心。

鄭文標

字丰人永嘉人

村居吟

南村堪適性，結屋傍烟蘿。
暮雨連蒼野，春風又綠波。
琴懸山色靜，門掩竹聲多。
爲愛相過者，流觴憶永和。

送朱周望先生歸雲間

兩折階前綠

卷四

陳翰邦林建黃厥昌鄭文標

蒼茫雲樹擁驪駒地接平原路轉紆千里文章推二陸一時
詞賦重三都鶯聲曉送人遊越柳色遙分棹入吳倘爲永嘉
傳勝蹟笙臺亦在筆中無

屠國檀

字香若樂
清歲貢生

春興

閒行無事到山家獨木爲橋徑轉斜一片綠楊鶯對語雙雙
飛度碧桃花

趙君宋

字二酉樂清拔貢
生官湖州教授

送崔五竺自苕溪

君訪烟波舊釣徒冷齋尊酒夜頻呼十年新出三部賦半笈
長攜五嶽圖春雨乍看苔斂合秋陰行送箬帆孤匡廬應得
上宏待回首苕湖雁有無

吳山濤

字岱，號壑翁，錢塘人。前明舉人。本朝官成縣知縣，著有塞翁集。

杭州府志：山濤，工書畫，而尤長詩。解組後，浮家泛宅，往來苕霅之間，以餘餘景當出關會賦。西塞詩三十首，因

自號

塞翁

西塞詩

紫塞長城路極天，祁連山勢接居延。
平沙漸潤明馳沒，短草初黃怒隼偏。
亭障夕陽空大漠，羽書秋汛達甘泉。
安西近日無征戰，風定轅門鼓角傳。

龜茲原隰古涼州，五郡雄藩控上游。
一抹羃低番部落，千羣馬放海西頭。
居人戶壁惟弓箭，戍卒炎寒總革裘。
六月雪山消未得，油油禾黍又新秋。

畫閣孤飛起暮烟，城頭三面盡鄰邊。
傳呼將校車旂疾，結束烝徒射獵僎。
毳帳夜分吹馬火，弓刀人靜撥鴟絃。
橫天白日

流江冷不到關門不惘然

金城峭壯壓長河浩莽邊風掠怒波樓櫓晴雲明粉雉林巒
陰雨溼青螺諸番貢馬循牆入老佛乘輶絕域過滿把蒲荷
須盡醉伊涼新譜柘枝歌

珂燹雖開未偃兵高秋諸將領專征粟支州里殊難給馬過
關山亦緩行棄甲漸聞燒棧道裹羶潛已入陰平釜魚籠烏
何須問隴蜀於今尙輟耕

莫道春風斷玉門磧間又見柳成屯輓裘午卸鳴沙暖羯鼓
宵繁塞月渾土屋女兒拋綵索毬場壯士醉蘆根征人但說
江南好芳草年年入夢魂

胡兆龍

字子哀號具茨山陰人順治丙戌進士官至吏部侍郎著息遊堂詩集

紹興府志兆龍生有異質或吟咏矢口而成登第後改庶吉士習

國書及典史籍

御試詞臣第一以詩講學士纂修

太宗皇帝實錄習學士尋充會試總裁教習

庶吉士署吏戶二部侍郎附大索伯

世祖

戴琛曰兆龍以學士內廷乙未總裁署吏戶二部侍郎

志云子告誤矣

登遼后粧樓觀新建白塔

春水初融太液池芙蓉紫苑漾流嘶林煙翠幌疑眉黛花露

紅牆學口脂彩瓊層霄多寶涌魂歸華月散香遲

恩深待放三千女不唱同心別院詞

胡昇猷

字允大號貞嚴山陰人順治丁亥

行狀畧曰公由行人遷戶部郎中出為陝西漢興道學

漢中兵被賊竊擄楚毒繫獄五載不屈後恢復漢中

始得脫授四川按察使遷大理寺少卿左副都御史由

部尚書

兩浙輶軒錄

卷四

胡兆龍 與昇歎

三

家傳畧曰妾焦氏與公同

四五載于仁洽稱業難錄

紹興府志吳逆反時會修諸葛祠昇歎作碑文痛詆吳逆逆必欲殺昇歎被執後又械回吳中七日不食不死

漢南述懷

巖關雙槐樹枝條相糾紛磴道陟青天招搖亂蒼雲律律拍竹窠谷響奔溝聞前旌未離險後車呼紛紜地利胡勿思天

險心如焚

丁

澎

字飛濤號葯園仁和人順治乙未

朱彭曰先生少負才與第景鴻濬稱三丁吳樛村贈

詩有兄弟文章入選僕之何肯慮詩教不振與同里陸

斯柴紹炳孫治張綱孫陳廷會毛光舒吳百朋沈謙虞

黃吳諸名士力扶大雅稱西陵十子通籍後與宋荔寮

施愚山張謙明周益山蒸嶺亭趙錦吼唱酬日下繼王

李西曹鵬詠之風又稱燕臺七子時

上方册立西宮念無嫺典禮香調入東省兼主客賈使至譯

周主客為誰廉甲丁詩紫詔銀鼠美玉象犀從吏人易

其詩歸國少自鳳樓詩流傳吳下士女爭相採摭以

書衫袖婺州吳之器有句云恨無十五雙鬟女教唱君

宋白賦機其爲時傾倒如此後以事牽累謫居塞上者
五載卜糜東園躬自飯牛暇卽乘牛車手執周易吟誦
自若所作詩語多忠愛無怨
誹之意其所養又可印矣

長歌酬錦帆尙白

長安街頭日走馬秋憲門前馬齊下同舍爲郎三十人盡屬
西曹振風雅大梁趙生氣若虹金石拊擊聲摩空宣城施子
意不薄吞吐胸中半邱壑僕也驅馳伯仲間拍肩奮袖都嶽
顏琵琶手弄紫襦裂玉瓷倒盡積鼻還意氣相期在千載傍
人視之如等閒罷直歸來呼吾友絡繹新詩滿人口酒後狂
歌怒馬鳴夜探急雨蒼龍吼俗眼睥睨安足論海內詩名吾
自有吁嗟吾徒聚散劇可憐脂車勒馬同朝烟一麾出守心
怒然轉矚各駕雙虬馴黃金之鈞珊瑚鞭東方梅福俱神仙
朝參懶赴疲馬旋黃公爐頭醉却眠囊中笑索新俸錢

洗象行

南荒有巨獸曰象。荆齒磔牙，鼻盈丈，細目如豨耳，如盎貌。詭
靡然皮色蒼去聲。兒童誘之作百戲，擊鼓吹簫，勢偃仰飽食莖
豆，滿大斛，給俸猶同百夫。長花裙，豨奴獨許騎馴狎，不異羊。
與犁身被錦，緞金作羈，屹如山嶽，無差移排班。朝隨羽仗立，
儼然拜舞同軍旗。自向滇南入中國，異物那得生西極。忽產
象，憤姿態奇，雪齒霜毛如拂拭，黃袷飛馳報

大內

御駕親調動，顏色炎蒸急，雨翻白波。

詔賜洗象，西城河高旗，大鼓引導出路傍。觀者肩相摩，躍踴
奔滿氣，龕琴鼓龍搏脊，爭相向。獠官僉點二十八，掉尾旋蹄
各殊狀，似鑿昆明習水戰。翻身搏擊吹飛浪，我聞瑤光之精

化汝形黃門鼓吹充掖庭乘之以戰利身毒負可致遠垂山
經執燧况能却吳楚何不摧鋒努力掃除南服風塵清象嶺
象嶺汝莫患日費官芻供養奈時時挽出天廐中常得

龍顏增顧盼

聽石城寇自絃索歌 并序

金陵寇自本平康樂工女也十三善爲秦聲妙極諸
藝觀容纖飾傾動左右王孫戚里諸貴人車騎填狹
斜間後爲故元勳朱公國弼采充後庭樂伎一時教
坊名部爲之寂然迨金陵陷沒籍入長安尤工胡笳
箏篌宿所未試者然憤懣不得志而里中諸舊遊咸
追慕物色得之屬其父廣募數千緡贖歸故里已流
落十年所矣姬每抱樂器爲予述舊事泫然而悲其

音多關塞之聲哀繁怨曠不可禁止因譜爲歌以節
之并隸樂部焉

教坊新翻十二部樂器特數箏琵琶金陵寇姬好手指亂撥
驚風吹落花自言生長秦淮里家住朱門夾流水掛壁湘絃
鶯管長文窗畫鎖鴛鴦綺崑崙琵琶李暮笛手揣心摩窮此
技春江三月可憐時油壁青驄夾道馳燈前含笑嬌無語月
下聽歌出每遲粧成自惜千金意盡日樓邊折花戲停鞭愛
看張公子挾彈從遊寶車騎候家郎第填朱輪斗量明珠不
計身舞袖長迴趙李座歌管時傾鄒杜春黃塵碧海多鋒鏑
粉壁雕簾芳寂寂金縷能牽李綺愁絳帷永抱韋郎感代馬
長嘶踏錦花月明夜夜聞悲笳隴頭風烟蔡女弄虎撥塵封
穆護沙都下喧傳禁中曲玉手搦來絃柱促五絃趙璧爲弟

子二十五聲隨調續綠腰軟舞銀甲紅金絲瓊柱相磨礪出
破入破少擘緩大遍小遍無雷同此曲傳言玉宸殿回波簇
拍紛難見錚錚細作金鐵鳴絲絲散亂如飛霞翻聲忽變涼
州轍前若驚鴻後啼鴉羅襪偷彈塞上塵綠鬢猶裹沙場雪
十載關山得此聲遷客愁問淚嗚咽曲終酒闌鐘漏稀寒風
白月吹滿衣長安城高蘆管急怪爾征人歸不歸

送孫無言自廣陵歸黃山

三月風吹江上柳浣紗磯頭勸君酒送客一樽詩百篇長笑
攜來滿懷袖何事忽然歸去來蕪城亭館非蒿萊邵平亦向
東陵老觀濤况有枚生才君不見多少宦遊人失意五斗折
腰長作吏老大風塵未拂衣欲賦歸田若非易君是淮南老
逋客何惜他鄉遍遊屐屈指浮邱丹鼎成仍傍靈岩作仙第

落拓辭家二十年，瀟陵秋草鹿門煙。山中猿鶴如相待，三十
二峯頂上眠。

送施愚山遊天台雁蕩歌

使君昔愛廬山遊，踏破明月珠泉流。一朝拂袖不稱意，翩然
振翮橫九州。特羨永嘉好邱壑，率爾擔簦戒行囊。東甌太守
今謝公，折簡促赴巾車約。我聞蒼玉石梁天外峯，海上突掛
雙飛龍。蜿蜒嶮嶮各異狀，空中亂颭青芙蓉。金庭洞天拾瑤
草，能仁古刹夸偃松。七十七峯洗空翠，倒捫星斗垂。當曾君
身原是丹霞客，更歷仙都訪桐柏。采藥須教控鶴歸，雲鬢不
見桃花碧。知君此遊非草草，得遇丹邱人不老。康樂愛僻失
龍湫，謫仙徒夢遊。天姥放眼名山屐，齒穿求仙何必尋蓬島。
蓬筮騎牛還鑑湖，山中日月注懸壺。昔人但有煙霞癖，懷裏

空藏五嶽圖

湖上酌酒歌介周櫟園司農六十

孤山亭邊霜葉飛，段橋西畔行人稀。湖上千秋無醉客，酒壚空在聞鴉啼。櫟園丈人東陵叟，十月扁舟五湖友。不爲桃花與鱖魚，獨向南屏貴村酒槽邱。初築號酒民旗亭，拍手歌橫陳俯踞高松發。長嘯振衣滄海凌蒼旻，古來飲者復誰是最憶高陽酒徒耳。此中便足了一生，杯裏安知眼前事。况有春風香滿船，青山如黛吹曉烟。野花插鬢舞鴝鶒，玉甃莫倒鴉夷邊。君不見山中一醉能千日，但教縱飲傾一石。十日便醉三十年，直到期頤髮未白。又不見梁市客日沽萬錢，長不惜紅螺滿引三百杯。何必安期酌元碧，酒乎酒乎霞爲液。玉爲漿，我爲公。祝公且觴黃金未就顏，不蒼求仙只在西湖傍。而

今莫被漁舟誤須認桃源是醉鄉

送劉石生之秦

萬里咸陽道三年復此行雁聲寒渭水秋色上蒲城日蝕秦碑斷天空漢時平尚留雙劍在風雨試長鳴

送章載宏令壽光

巖邑望崔巍荒雲抱海隈夕陽平野度秋色亂山來虹掛孤城暮龍吟萬壑哀神僊多吏隱咫尺是蓬萊

送玉山長還楚南

地盡三巴接將歸南雍州天空一雁斷何處岳陽樓橋樹侵寒雨猿聲入暮秋仲宣仍作客更切望鄉愁

慰李琳枝侍御詔獄

抗疏一何直身危履道難忽聞收北寺不敢問南冠草莽臣

無狀朝廷法屢寬

聖明知汝戀頻取諫書看

隴頭

隴水西流急陽關此地過鳴沙迴黑石橫嶺截黃河
磧裏看鴻小城邊飲馬多梅花渾欲折春盡奈愁何

初至靖安寄郎中諸舊友

萬里從戎路崎嶇正此行雁聲孤斷磧虎氣撼空城
淚盡慚兒女身危仗

聖明刀環何日約回首玉關情

送張坦公方伯出塞

昨惜江城別何堪復送君關從鴉鵲斷路並虎狼分
愁劇須憑酒塗荒莫論文此方春不到應與雁爲羣

萬里窮沙北由來道路難馬蹄隨處滑山面逼人寒採藥屯禾峪尋源脫木灘所居多傍水肯作故園看

遼海雜詩

河流環塞入萬里永安橋直欲凌滄海無因傍赤霄窮秋煩將士大雪困漁樵耕鑿慚衰謝何曾補

聖朝

不見桃花島青冥斷海頭戈船迴赤日火霧捲滄州五嶺仍開瘴三江未穩流管寧僧度此今得許同遊
數遺句驪使邊陲控制強腥風吞鴨綠朔吹撼龍岡輻輳真無外旃裘尙一方海東還內地日出見扶桑

昌亭喜值令宜舍弟

兄弟家何在相逢各破顏餘存白衿生計累青山放艇渾

無定輕裝亦自艱行行岐路盡莫說是江關

贈魏環溪都諫左遷光祿

掖省春雲接御溝長隨天仗奉宸遊詩名曾比顏光祿封事
還同魏憲侯自是

朝廷容折檻肯令湖海有披裘莫嫌左席明廬遠退食仍趨
玉殿頭

送孫九晚備兵保寧

萬里炎方尚枕戈旌車八月下牂牁猿聲苦霧城邊急虎跡
荒原戰後多契道生猿能漢語羌西諸將半渝歌休言割據
蠶叢遠灑頰秋高趕白波

送張元林使蜀

秋原落木滿長堤馬首爭回棧嶺低樹色孤城盤蜀道猿聲

一路出巴西天垂巒洞開煙瘴戰罷空山急鼓鞞好論契中
諸父老江邊邨酒醉同攜

送趙錦帆比部歸汴州

攜酒青門送客多相看無奈別離何漫愁關塞疲征馬從此
乾坤有荷蕞藥鼎千年藏日月雲山一路少風波天寒大澤
行人斷獨向夷陵扣角歌

東郊

蟻賊險塞自強梁青海銀州總一方不斷水流聞鳴綠無邊
秋色老龍荒五原部落如羌俗四姓良家是帝鄉滿地粉榆
看舊社長陵風起漫飛霜

黃榆昏霧莽郊垆獵火山頭朔氣冥放馬盡來沙苑白彎弓
直落河東青檣烏剝啄聞甌脫野月悲家古埃亭遮莫牛並

滿陵谷可防餘盜出丁零

城邊首藪近開運寶袷彫弧異昔時片石塞雲迷獵騎萬花
樓樹賽荒祠紫貂斜彈燕支女白馬橫行隴上兒別部龜茲
兼破陣都將雙管夜中吹

牆子黃崖罷築營九關擐甲坐銷兵朵顏外置三千戍正統
初屯十五城羯鼓迎神全漢颯琵琶供客半秦聲防秋萬里
無烽堠直到盧龍右北平

見燕

杏葉新陰拂女牆風吹小燕過池塘相期定似逢寒食乍見
爭如話故鄉弄影不教沾柳絮銜泥何惜點琴囊雙栖並翅
真憐汝愁殺盧家春晝長

奉和梁蒼巖尙書見贈之作

昔侍

宸遊散玉珂，郊居秋爽更如何。
天連倒馬浮雲斷，城近飛狐落木多。
十月蘆笳吹紫塞，一裘風雨渡黃河。
臨岐執手看雙鬢，爭惜年華委逝波。

登光祿樓和施愚山學使壁間韻

高閣飛鶩接杳冥，倚闌人在翠微屏。
天迴大陸烟光白，地敞中原嶽色青。
百戰山河供極目，千秋雲樹抱空亭。
登樓不敢輕裁賦，早有雷題舊客星。

過長洲吳璠如邵守招飲漫賦

悲歌燕市意何窮，汝向南行我向東。
十九年歸蘇屬國，二千石重漢吳公。
他時苦憶松江鱸，此夜愁聞塞北鴻。
休傍姑蘇問康鹿，荒臺空鏤白楊風。

送汪舟次檢討奉使册封琉球

孤懸儘嶼海涯間襟帶窮荒控百蠻已奉春秋知正朔何年
南北併中山自天

宸翰龍鱗動繞日珠旃豹尾班底事皇華念將母乘風歸路
指刀環

送徐徵君電發辟召之京

此去朝辭林屋峯布衣疏屨倍從容眼中吾老非衰鳳足下
人稱是臥龍應辟趨由丞相府封章薦白大司農知君芸閣
詩成後苦憶西堂舊植松

沈韓倬席上送曹持原令之西寧

孤舟一片楚江雲兩岸猿聲徹夜聞望到龍鄉何處是桄榔
庭畔最思君

送王遊人少參山始安遷懷州

三巴倒壓楚江流，玉壘長空天外浮。
更有孤舟南徙客，聽君夜半話涪州。

聞笛

春城吹笛望江樓，春色年年未解愁。
入破一聲花盡落，不知誰按小涼州。

塞上曲

不戰洮河西，備羌合黎山。外月如霜白，頭老將沙場。卧尚說彎弓從武皇。

張

壇字步青，仁和人。順治庚子，舉人。著有東郊草堂集。

貧交行贈邵似宏兼示徐元支

與君初結交，城西楊柳陌。陌頭楊柳幾，同新壯士衝冠髮。漸

白鬚來相見還相憐嘆息與君同落魄君落魄日莫傷不見
明珠寶玉棄道傍又不見屠狗賣繪皆侯王世人交富不交
貧昨日如故今朝新駿馬金鞭揮手去有時得志還相親邵
生廣額復大口賣薪吳市不知醜歸來笑典篋中衣縱飲湖
頭十千酒半酣攜我駕扁舟高陽舊侶今在否拔劍舞斫地
歌北邙突兀一杯土眼前青蠅奈爾何嗚呼眼前青蠅奈爾
何短歌微吟哀情多

與祖道別長句兼呈眞源先生

我昔遊京師爾已歸吳中我今滯吳中爾又往山東北風捲
地黃塵走清秋濁浪長淮口沙邊已朽千夫骨堤上空栽萬
株柳爾時遊子起太息仰視長空日無色亂髯三尺徒老大
用盡黃金歸未得我家舊住石湖邊中丞遺宅五世傳東山

聲伎時娛樂北海賓客相周旋人生得志若不早臺榭須臾
成蔓草青門有瓜不能種白璧無媒空已老卽今風塵分手
地遠近總是飢驅事暮雨秋深白馬湖曉霜客過青駝寺借
宗峩峩滄溟碧此行弔古兼結客道上時逢帶索歌山中舊
有分金迹我師姜公眞大賢家徒四壁捐俸錢歸來好乞山
中藥爲買秦亭屋後田

題虞生倚馬圖

虞生虞生偉丈夫方面大耳微有鬚手持匹練長數尺就中
寫出倚馬圖圖開歎觀虞生面雄風颯颯千人見衣冠寧假
庸豹皮毛髮欲指麒麟宴側身倚馬馬流血馬毛如蝟蹄如
鐵無論健兒好身手卽看此馬頗不劣君之舊交有金生金
生與我新結盟燕關雪花大如掌擁爐置酒相對傾酒酣披

圖顧而笑人生得失那可料調鷹走狗少年心只今道傍空
荷蓀昨日樓船指甌越材官羽騎多如髮幕中草檄屬何人
坐使三軍鼓聲竭虞生虞生且莫哀相君骨格真奇才絡頭
騎出此馬一千里天南地北馳道皆風雷君不見天南地北
馳道皆風雷

薊門送趙友沂入都

春深我自薊門還我泊孤舟君掩關秋杪君向薊門去君跨
征鞍我流寓長淮之南大江北流雲遠樹無終極從教有道
兼有神那忍相逢不相識知君少年名早成作賦往往動公
卿可惜懷才不用世老驥伏櫪徒悲鳴離家十載多潦倒浮
沈金門亦草草海嶠西風醉荔寒湘潭夜雨芙蓉老黃雲莽
莽塵沙没看君辭家赴京闕清霜夜半不得停風頭如刀寒

刺骨把君新詩向君吟作歌送君情已深結交豈必謀面早
纔覩君貌知君心燕山此日雪花大踏冰騎馬馬蹄破歸來
開閣夜置酒明月熒熒照四座眼底相知誰最久合肥龔公
與君厚爲予問訊座中客高陽酒徒今在否

謂國處蘭
次諸公

河淮行

壬寅仲夏余將東遊梁父道經淮陰得與婁東季貞
班荆定交臨發書長句奉贈意取相勉非徒言別云

爾

河淮合流向東注我到淮陰十日住結交喜逢程與邱兄事
袁絲弟仲孺神宗以前海內平文人學士皆千城三十年來
人事改名流往往徒虛聲三吳少年雅好事縞帶珠盤千里
至昨朝如故今日新眼前交態那足恃男兒立身自有因程

也閉戶却風塵出處大事各自了毋令市兒空笑人漂母祠
前水聲咽爾時握手與君別驛亭官柳幾回青野館柵花五
月節朝陽初紅火如斗野曠風高石飛走東海若得曾仲連
會當馳書報我友

旅泊京口

江樹晚蕭蕭停舟對沈寥山頭一片雨樓外九秋潮行李因
人減鄉心隔路遙自憐爲客久幾度宿關橋

渡楊子

秋風出潤城日暮片帆輕海鳥盤雲上江豚拜浪行平沙沈
睥睨遠水人空明坐覺東流逝徒懷擊楫情

漁陽道上

獨向漁陽去誰憐歲暮行懸崖道驛路落木見邊城雲擁千

峯駢風生萬馬鳴
榆關無限意指點說征塵

廣陵秋暮

高風嫋嫋動干旌
百里連營塞馬鳴
夕照隔江迷鐵甕
潮聲中夜走蕪城
秋來清上丹楓落
戰後沙場碧草生
何事春農多內徙
白狼山外又屯兵

九日博州寓

去歲重陽楊子驛
今年九日射書臺
一秋白髮鄉心劇
兩度黃花客路開
野戍荒荒騎馬去
長河渺渺掛帆來
故園兄弟如相憶
漂泊登高獨舉杯

春日雜感

十年搖落對芳辰
客裏清樽倍怆神
春到江南湖水滿
寒辭故國柳條新
最憐門巷依戎馬
畏向輶車問陌塵
腸斷東風

吹不盡滿城簫鼓怨征人

廣陵將歸別孫嘉客

與君對酒且高歌歸去扁舟一釣蓑莫說長堤最愁絕如今楊柳已無多

送陳其年歸義興

彈鋏憐君歸去來相逢且盡酒中杯春申門下蕭條盡况是任公舊釣臺

王

著

字密草
水人

朱春生曰余於金陵故書攤上得舊詩稿一册款稱秀水王著中有與其弟安節唱和者安節名槩

岡

初畫山水名家而密草詩中每有自題畫册之作則知其亦工畫也詩多在金陵所作面題第十六册四字想

全稿必富此特散亡之餘耳吉光片羽彌足珍重中又有雜文數篇典雅有則

元旦雪晴

同濟市車金
砌雪初融暖氣生東風一夜作春晴池冰漸泮見山影擔酒
轉聽如雨聲林鳥尙喧泥路滑瓶梅忽映紙窗明幽齋靜坐
同空谷且喜柴門少送迎

丁亥除夕

一室團圍靜閉門滿天風雪暗湖村暖分松火增茶竈凍護
梅花倩酒尊追念故妻曾奉母幸看猶子已生孫休輕此夕
椒盤會白首青瓊老弟昆

早過草庵看梅

探梅不厭太孤清廿里聞雞破曉行殘月方中迎日出羣山
忽缺見江明庵僧訝客來何早啁雀爭枝雪乍晴須與題詩
索微笑相看意態更橫生

輓洪昉思

昉思以長生殿傳奇被劾而才名愈著余與昉思交
差晚讀其舊稿幽憂草乃知昉思不得於後母擢家
難客遊京師哀思宛轉發而爲詩取古孝子以自勉
世第以詞人目之淺之乎知昉思矣甲申夏泊舟烏
鎮因友人招飲醉歸失足竟墜水死

世傳艷曲調清新我愛高吟意朴淳怨又自傷真孝子性情
不愧古風人家從彼後常爲客名到成時轉累身歸老湖山
思閉戶何期七尺付沈淪

茗溪流似沅湘遙又爲騷人賦大招漫把哀音翻薤露便將
新曲譜蛟綃長生殿角薰風暖小部歌聲乳燕嬌此日淪亡
君莫恨太真生其可憐宵楊妃以六月朔日生明皇於是日
命梨園小部奏荔枝香新曲於長

生殿上今昉思適以
六月朔日死故及之

兩折譜評錄

卷四

玉茗

吳

九江舟次逢沈因伯

深坐休辭燭，地紅來朝放棹便。西東江湖分路增惆悵，我望南風君北風。

魏少野

字東老，原名允札，字州來，號東齋，居七嘉善人前。明謚忠節，大中孫，庶吉士，學濂子，著東齋詩文集。

贈周子佩先生

大府高官足九天，何如且證地行仙。竹松晴鳴開書屋，花月春江放酒船。閒憶舊交同隔世，劇談往迹勝編年。自隨銅狄拋鉛水，散作陽湖萬頃烟。

檻車經過結婚姻，瓜蔓連抄轉及人。門戶變生前甲子，國家災應五庚申。長貧僅保荒陂產，多難猶存復壁身。記取靈椿八千歲，百分纔占一分春。

灑血號冤共庶常，上書先後動思皇。金門齋志終難遂，土室

理名獨善藏遠患苦教難斷尾延生喜見鼠拖腸從今願侍
丹鑪下大藥成時倘賜嘗

陸翼王以文題先庶常絕命詞後賦此爲謝

散落誰將逸事尋可憐異代有知音圖存特表姜維節忍死
終明許遠心道在君臣公自信情關師友兩偏深大招歌罷
巫陽曲淚灑西臺續舊吟

東園弟招同馮又三集偷然閣感賦

頻年故鬼唱秋風幾處離人歎轉蓬身到武陵應識得小桃
雖在是衰紅

書燕京春詠後贈沈客子

京國繁華數改移似君不及見當時可憐四十年前景猶有
貞元朝士知

寄懷東園弟

聽殘宵雨半槽騰淅淅虛窗淡淡盤繫纜江亭等湖上夢君
野泊在西興

答唐生青帆見訊

閒中每憶當時事來恨遷延去恨催隱隱蝦蟆更欲絕其驚
殘夢轉蓬萊

密香寫就悞懷歌爲報清狂老更多依舊素驪雙鞵上白衣
紗帽醉時馭

蔣幔京招同曹念劬表兄小飲

我生自念殊多幸不向衰年歎不辰天地新晴剛九日江湖
舊雨尙三人輕移傍水過頭杖屨裏當風折角巾識得小園
眞是主何妨且作主中賓

戊寅元日

不枉屠蘇最後嘗已開七袞轉添狂談爲我輩消閒物笑是
人間却老方體遇佳時如得路心能安處似歸鄉憑誰說與
梅兼柳好認東風第一場

吳孟舉以先庶常書畫册子贈余作此志謝

竹洲居士乍識面拂拭塵跡開瓊函手持一册展示我貌出
山勢何巉巖中有美女呈階質玉顏明潤披春衫更有書法
通魯國龍跳虎臥形相銜咄嗟驚是庶常筆多君愛護加重
緘憶昔明室當未造蛾賊羣起難夷芟庶常奮身思報國牽
裾雪涕辭窮若君家始不紫同志嗜好不分酸與鹹承恩其
遜入中秘憂時中夜常誦誦兩年之間先後死那知忌者還
生讒乾坤未死日月在嗚呼此恨不可劔墨光千丈挾正氣

千霄直上天龍監四十年來費收拾我若攫取疑貪饒何當
慨然卽兒子意思磊落神和誠歸遺子孫作世寶永載明德
非家終

寄水郵弟

有帛不繫雁有素不藏鯉題書柿葉上秋風待吹起無事負
碧漢無爲躍清波紛飛向輦下寄言問如何前年空復去今
年猶未還幾番聽雨夜錯認對牀眠旅食肯求甘家食肯辭
苦請觀古賢達白首老鄉土

慰曹念劬表兄被竊

雞號三通月西墮我興畏寒心轉悞南郵傳道有書來不覺
聞之驚起坐間書讀罷輒沉吟此客何勞特經過行間縱筆
畫車輪云是穴牆如許大發價正復無多子已使老狂家盡

破幸然畱剩木棉裘尙辦出門免僛臥今宵宿火換地爐親
手仍煨等一箇知君得信定相尋見面還應弔而賀

題齋壁

此堂未許客常登來打雲扉意頗磨只爲門風差自愛却于
世路重人憎疎花淺草長畱蝶曲几方牀屢迷蠅時遇體佳
還一出不過道院便尋僧

朱昌榮甥旅櫬遠歸詩以哭之

只在故山生不在故山死頻年僕指數幾多壯遊子遊味汝
最薄矣以與于此往者並出門非我意所喜自言志四方勤
之不爲止一棺今始返隨埋宿草裏盛夏月方黑啾啾哭新
鬼豈若用我言終身守鄉里死或未能免鬼歸免迢遞龍鍾
老渭陽揮淚又何已

夜過雁塔

爲愛花宮僻，宵深其叩扉。佛燈霜下淡，鬼燒月中微。竹徑曲能認，蕉團靜可依。不知乞食者，一鉢幾時歸。

姚延啓

字季迪，號敬輿，烏程人。順治己丑進士，由稷山知縣，歷官工部給事中。著選竹軒集、秋蛩吟。

湖州府志：延啓爲舜牧，孫與弟延著同會榜爲山西稷山令，報最。撤給諫，歷掌三科封章劄切，皆關治體。

吳興詩話：施閏章別敬輿都諫詩，晨夕苦招摩，相過意不禁。十年青瑣闈，一片布衣心。日月高天迥，龍蛇大澤

深誰憐倦遊子，多病欲抽簪。都諫歸田後，嘗至歸雲庵，有白書水竹居秋香徑二詩。崇禎新

蘇略曰：都諫與弟方伯名延著，同登進士。中外並有聲望，都諫歸老于家，子姓蕃衍，替纓相繼。今稍不振，方伯

以身活萬人，冤不得白。子孫世有甲科，詩人世鉅汝金

亦其後也。至六世孫文田，中嘉慶己未狀元，傳臚前有

夢迎新狀元者，前有人心易味天理難欺。二金字牌，導之蓋信爲善，無不報耳。

秋香徑吟
歸老溪園徑未荒，徑邊黃菊有餘芳。芒屨踏處濡朝露，藜杖

攜來帶晚香清景只宜供笑傲高年何必問行藏淵明漉酒

東籬下我亦隨緣醉一觴

唐廣堯

字載高號寓庵會稽人順治壬辰進士歷官山東提學副使著城山閣歷游草

紹興府志廣堯由工部都水司主事陞員外以事降光祿寺署正

特旨

管禮部精膳司郎中事出為江甯學府同知三逆擢

第一授山東提學副使秩滿以母目失明告歸日以舌砥日三年復光遂不復仕

秋將北行贈石濤上人

敬亭秋色又今年惆悵黃塵隔紫烟別去思君禪定後穿雲

獨汲虎谿泉

詹惟聖

字乃庸號尼庵建德人順治壬辰進士由德平知縣歷官戶部郎中江西學政

劉臺

子規聲裏葉初齊覆嶺連岡走碧溪却送孤舟歸更便潮聲

直過釣臺西

施漢烈

字仲芳號寄廬平湖拔貢生官松江

同知著學遊觀海雄遊天中諸集
構李詩繫先生初授欽州牧時粵疆未定流寓五羊城
衣敝不完并日而食李撫軍重其詩稍稍俾得食一日
藩邸張宴琴吏紛集而王所召客惟一施欽州曰重詩
人也後復授徒龍灘以自給署程鄉篆悉捐里長營辦
費及抵欽綏輯流亡錄被掠者姓氏榜
通衢俾其家領歸理松江同知罷歸

子夜夏歌

與郎戲採蓮郎言儂似花教郎作鴛鴦今夜宿園沙

丁克揚

號琴溪蕭山人順治己亥進士官潛江却縣著琴溪合稿

毛奇齡琴溪詩序畧曰向與琴溪之伯氏大聲論詩城
西大聲雅好刻數備極幽折而琴溪坦然獨行澹澹然
若洪波灌河曠然無所芥蒂于其間琴溪以不善事督
郵役初去棲進于武昌揚柳之間目極晴川嚼焉生嘆
而又時時還下雋與父老子弟山川城郭重道故舊流
連賦咏哀與怨併讀其詩而見其志與其所以遇也
莅仕之三日以公事往會城道中即景

琴堂席未暖促駕出城東
鷺點青松白花依綠草紅雲流
一溪動雨響四山空
隔浦流鶯囀遙知有路通

周之麟

字石公蕭山人順治己亥進上山檢討歷官通政使

紹興府志之麟通籍三十年謹飭周密遇事不激不隨以恬和導迎善氣巍然頌德長者也

送友人南旋

行裝刺促鳳城邊
小雨霏微萬樹烟
臨別一言君記取
重來莫負杏花天

樓洵政

字嘉玉一字士珮浦江人順治戊子副貢生

樓上層曰嘉玉敏於資而博聞強學孜孜不怠卒年二十七論者疑爲李昌谷王廣陵云

遊仙華山

崖蹊磴屐曉風冷
欲向仙華宅
窅冥烟際一拳開
瘦碧雨餘千樹落
空青人隨鳥入雲
鋪地劍倚天長袖
拂屋與到那箇

須臾酌爲陶佳節慰山靈

兩浙輜軒錄卷四